



## Վահան Թեքեյան

### Այս ծաղիկներն...

Այս ծաղիկներն ալ գարնան,  
Տենչանքներու այս նման,  
Պիտի խամրին ու իյնան...

Այգաբացին ջինջ ու գով,  
Վարդերն ինչպես սարսալով  
Կը մերկանան միմյանց քով,

Այնպես իղձերըս վերջին  
Կը խըլրտին, կը բացվին,  
Կու տան իրենց խունկ հոգին...

Վերջին ծաղիկ մը միայն,  
Այս վերջին իղձը ունայն, -  
Ես կ'ուզեի պահել գայն:

Իղձը հոգին գրկելու  
Անոր որ քաղցր ու հըլու՝  
Ձեռքն իր ձեռքիս կը թողու...: